



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitrvvivs Itervm Et Frontinvs

Vitruvius

Florentiae, 1513

De Marmore qu[omod]o paretur ad tectorio. Caput VI.

urn:nbn:de:hbz:466:1-12979

LIBER

præ tegularum tecta potest habere, aut columnas, seu fastigiorum explicaciones? Hæc enim supra cōtinga-
tiones ponuntur non supra tegularum tecta. Si ergo
quæ non possunt in ueritate rationem habere facti,
in picturis probauerimus, accedemus & nos his cui
tatibus, quæ propter hæc uitia insipientes sunt judi-
cata, Itaq; apaturius cōtra respondere nō est ausus,
sed sustulit scenam, & ad rationem ueritatis cōmu-
tatem, postea correctam approbavit. Utinam dii im-
mortales fecissent, ut Licinius reuiuisceret, & corri-
geret hanc amentiam, tectoriorumq; errantia insi-
tuta, sed quare uincat ueritatem ratio falsa, nō erit
alienum exponere, Quod enim antiqui insumentes
laborem, & industria probare contendebant arti-
bus, id nunc coloribus, & eoru eleganti specie conse-
quuntur, & quā subtilitas artificis adiiciebat opibus
auctoritatē, nunc dominicus sumptus efficit ne desi-
deretur, Quis enim antiquorum non uti medicamen-
to minio paræ uidetur usus esse? At nūc passim plæ-
rūq; toti parietes iducuntur, Accedit huc chrysocolla,
ostru, armeniu, hæc uero cū inducuntur, & si nō ab at-
te sunt posita, fulgentes tamē oculorū reddunt uisus,
& iō φ pretiosa sunt, legibus excipiuntur, ut ab do-
mino, non à redemptore represententur, Quæ cōmo-
de facere pot., ut ab errore discedatur, in opere tecto-
rio satis exposui, Nunc de apparationibus, ut suc-
currere poterint, dicam, & primū, quoniam de cal-
ce initio est dictū, nunc de marmore dicendū restat.

De marmore quomodo paretur ad tectoria.

Caput.

VI.

Armor non eodem genere omnibus regio-
nibus procreatur, sed quibus dā locis gle-
bæ (ut salis) micas perlucidas habentes,
nascentur, quæ cōtusæ & molitæ præstant tectoriis &
coronariis operibus utilitatem. Quibus autem locis
hæ copiæ non sunt cemēta marmorea, siue assulæ di-
cuntur, quæ marmorarii ex operibus deiiciunt, pilis
ferreis contunduntur, cribrisq; excernuntur. Eæ autē
excretæ tribus generibus seponuntur, & quæ pars
grandior fuerit, quemadmodum suprascriptum est,
arenato primum cum calce inducitur, deinde sequens
ac tertio, quæ subtilior fuerit. Quibus inductis &
diligenti tectoriæ orum fricatione levigatis, de colori-
ribus ratio habeatur. uti in his perlucentes exprimant
splendores, quorum hæc erit differentia &
apparatio.

De coloribus & primum de ochra. Cap. VII.

Olores alii sunt qui per se certis locis p-
rocreantur, & inde fodiuntur, nonnulli ex
aliis rebus tractationibus, aut mixtionib-
us, seu temperatris compositi perficiuntur, uti præ-
stent eandem in operibus utilitatem. Primum autē
exponemus quæ per se nascentia fodiuntur, uti quod
græci ωχρæ dicuntur. Hæc uero multis locis (ut etiā
in Italia) inueniuntur, sed quæ fuerat optima, Attica,
ideo nunc non habetur, quod Athenis argenti fodine-
cum habuerunt familias, nunc specus sub terra fodie-
bantur ad argentum inueniendum. Cum ibi uena for-
te inueniretur nihilominus, uti argentum perseque-
bantur, Itaq; antiqui egregia copia filis ad politio-

Q iii